

Benedictio Dei omnipotentis Pa~~tris~~^X, et Filii, et Spiritus Sancti, descendat, et maneat super hoc tintinnabulum, et super audientes illud. **R.** Amen.

In hac benedictione Campanæ non fit mentio unctionum sacri Olei et Chrismatis, prout fit in Pontificali Romano, quia hujusmodi unctiones tantum spectant ad Episcopum, ut decrevit Sacra Rituum Congregatio, et notatur in principio hujus libri.

TITULUS VIII.

DE BENEDICTIONIBUS INDUMENTORUM SACERDOTALIUM ET IMAGINUM
IN DUO CAPITA DIVISIS.

CAPUT PRIMUM.

Benedictiones quæ continentur in hoc primo capite non possunt fieri nisi ab Episcopis, vel ab aliis facultatem habentibus.

BENEDICTIO SACERDOTALIUM INDUMENTORUM IN GENERE.

(Ex Miss. Pont. et Rit. Rom., ex Cerem. Ord. S. P. Aug.
et Col. P. Sannig.).

Prælatus, vel habens privilegium illa benedicendi, primo benedicat in communi omnia indumenta præsentia modo sequenti :

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.

R. Et clamor meus ad te veniat.

V. Dominus vobiscum. **R.** Et cum spiritu tuo.

OREMUS.

Omnipotens sempiterne Deus, qui per Moysen famulum tuum Pontificalia et Sacerdotalia, seu Levitica vestimenta, ad explendum in conspectu tuo ministerium eorum, ad honorem et decorem nominis tui fieri decrevisti : adesto propitiis invocationibus nostris, et hæc indumenta sacerdotalia, desuper irrigante gratia tua, ingenti benedictione per nostræ humilitatis servitium puri ~~ficare~~^X, bene ~~dicere~~^X, et conse~~crare~~^X crare digneris : ut divinis cultibus et sacris mysteriis apta et benedicta existant : his quoque sacris vestibus Pontifices, et Sacerdotes, seu Levitæ tui induiti, ab omnibus impulsionibus, seu temptationibus malignorum spirituum muniti et defensi esse mereantur ; tuisque mysteriis apte et condigne servire et inhærere, atque in his tibi placite et devote perseverare tribue. Per Christum Dominum nostrum. **R.** Amen.

OREMUS.

Deus, invictæ virtutis triumphator, et omnium rerum creator ac sanctificator, intende propitiis preces nostras : et hæc indumenta Leviticæ, Sacerdotalis et Pontificalis gloriæ, ministris tuis fruenda, tuo ore proprio bene ~~dicere~~^X, sancti ~~ficare~~^X et conse~~crare~~^X crare digneris : omnesque eis utentes, tuis mysteriis aptos, et tibi in eis devote et laudabiliter servientes, gratos efficere digneris. Per Dominum nostrum. **R.** Amen.

OREMUS.

Domine, Deus omnipotens, qui vestimenta Pontificibus, Sacerdotibus, et Levitis in usum tabernaculi fœderis necessaria Moysen famulum tuum agere jussisti, eumque spiritu sapientiae ad id peragendum replevisti: hæc vestimenta in usum et cultum mysterii tui bene~~X~~ dicere, sancti~~X~~ ficare, et conse~~X~~ crare digneris; atque ministros Altaris tui, qui ea induerint, septiformis Spiritus gratia dignanter repleri, atque castitatis stola, beata facias cum bonorum fructu operum, ministerii congruentis immortalitate vestiri. Per Christum Dominum nostrum. *R. Amen.*

Deinde aspergit ipsa indumenta aqua benedicta.

BENEDICTIO SPECIALIS CUJUSLIBET ORNAMENTI.

(Ex Pontif. et Miss. Rom.).

- ¶. Adjutorium nostrum in nomine Domini.*
- R. Qui fecit cœlum et terram.*
- ¶. Domine, exaudi orationem meam.*
- R. Et clamor meus ad te veniat.*
- ¶. Dominus vobiscum.*
- R. Et cum spiritu tuo.*

OREMUS.

Deus omnipotens, bonorum et virtutum dator, et omnium benedictionum largus infusor, supplices te rogamus, ut manibus nostris opem tuæ benedictionis infundas, et has caligas et sandalia, *vel* amictum, *vel* albam, *vel* cingulum, *vel* stolam, *vel* manipulum, *vel*

tunicellam, *vel* dalmaticam, *vel* planetam divino cultui præparatam virtute Sancti Spiritus bene~~X~~ dicere, sancti~~X~~ ficare, et conse~~X~~ crare digneris: et omnibus ea, *vel* eo, *vel* eis utentibus gratiam sanctificationis sacri mysterii tui benignus concede; ut in conspectu tuo sancti et immaculati atque irreprehensibles appareant, et auxilium misericordiae tuæ acquirant. Per Dominum nostrum Jesum—Christum Filium tuum, qui tecum vivit et regnat in unitate ejusdem Spiritus Sancti Deus, per omnia sæcula sæculorum. *R. Amen.*

Deinde aspergit ea aqua benedicta.

BENEDICTIO AMICTUS.

(Ex Cerem. Ord. S. P. Aug. Man. Brev. Ord. B. V. Mar. de Mercede, et Col. P. Sannig.).

- ¶. Adjutorium nostrum in nomine Domini.*
- R. Qui fecit cœlum et terram.*
- ¶. Domine, exaudi orationem meam.*
- R. Et clamor meus ad te veniat.*
- ¶. Dominus vobiscum.*
- R. Et cum spiritu tuo.*

OREMUS.

Immensa pietatis, et plenitudinis gratiarum infusor Deus, qui per os prophetæ tui dixisti: expandi amictum meum super te, et operui ignominiam tuam, plenitudinem gratiae et bene~~X~~ dictionis tuæ super hunc Amictum propitijs extende; ut omnes, qui eo usi fuerint, perfectam quam designat Amictus castigationem vocis et gulæ sentiant, fiantque perfecti, virtute deco-

ri, et ex Amictu ipso reddantur tibi Deo omnipotenti moribus et gratia speciosi. Qui cum Patre et Filio vivis et regnas in sæcula sæculorum. **R.** Amen.

Deinde aspergit eum aqua benedicta.

BENEDICTIO ALBÆ.

(Ex Cerem. Ord. S. P. Aug. Man. Brev. Ord. B. V. Mariae de Mercede, et Col. P. Sannig).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum.
- R.** Et cum spiritu tuo.

OREMUS.

Domine, Deus omnipotens, qui Aaron et filiis ejus tunicis lineis in decorem et gloriam Sacerdotii indui præcepisti, cum quibus et ipsi sanctificati, tibi etiam in Sanctuario ministrarent; hanc, quæsumus, lineam tunicam tuæ virtutis sanctificatione bene **X** dicere, et sancti **X** ficare digneris; quatenus omnes, qui ea induiti in sancto ministerio usi fuerint, digni fiant Altaris tui Ministri, ipsosque septiformis gratia Spiritus repletos, et castitatis zona præcinctos, beata facias cum ministris Angelicis immortalitatis fruitione vestiri. Per eundem Christum Dominum nostrum. **R.** Amen.

Deinde aspergit eam aqua benedicta.

BENEDICTIO CINGULI.

(Ex Cerem. Ord. S. P. Aug. Man. Brev. Ord. B. V. Mariae de Mercede, et Col. P. Sannig).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Deus innocentiae restitutor, puritatis amator, qui utriusque testamenti Patres lumbos suos præcingere instruxisti, quo videlicet carnalem lumborum lasciviam discerent sobrietate continentiae coarctare: sancti **X** fica, et bene **X** dic quæsumus, Domine, cingulum istud, ut omnes qui eo usi fuerint, ab æstu voluptatum carnalium refrigerium sentiant, et Spiritus Sancti rore perfusi, quæ tua sunt, mundo corde et casto corpore desiderent et lætentur. Per Dominum nostrum Jesum-Christum Filium tuum, qui tecum vivit et regnat in unitate ejusdem Spiritus Sancti Deus, per omnia sæcula sæculorum. **R.** Amen.

Deinde aspergit illud aqua benedicta.

BENEDICTIO MANIPULI.

(Ex Cerem. Ord. S. P. Aug. Man. Brev. Ord. B. V. Mariae de Mercede, et Col. P. Sannig).

- V.** Adjutorium nostrum in nomine Domini.
- R.** Qui fecit cœlum et terram.

¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Deus, qui de fructu operum tuorum terram satias, et secundum opera tua retribuis et judicas unumquemque; Manipulum istud, per quem fructus bonorum operum designatur, tuæ benedictionis dono sancti Xp̄ifica, quatenus ministri Altaris tui ipso utentes Manipulo per honorum operum fructum digna se gaudeant assequi præmia meritorum. Per Christum Dominum nostrum. ¶. Amen.

Deinde aspergit illud aqua benedicta.

BENEDICTIO STOLÆ.

(Ex Cerem. Ord. S. P. Aug. Man. Brev. Ord. B. V. Mariæ de Mercede, et Col. P. Sannig.)

¶. Adjutorium nostrum in nomine Domini.
¶. Qui fecit cœlum et terram.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Ineffabilis benignitatis et clementiae Deus, cuius jugum onusque leve esse tu ipse perhibes; quippe per os Sapientis collum nos subjecere jugo tuæ sapientiae docuisti: bene Xp̄ dic, quæsumus, et sancti Xp̄ifica Stolam istam, jugum tuæ mansuetudinis præsignantem;

ut Sacerdotes et Levitæ tui, qui eidem stolæ humeros et colla submiserint, suavitatis tuæ sentiant levitatem, quatenus inter illam magnam et innumerabilem turbam, quam Beatus Joannes vidit in conspectu Agni, stolis albis amictam, stolas suas lavare in ipsius Agni sanguine mereantur, atque tamquam formosi in stola sua, et in multitudine suæ fortitudinis gradientes, stola induantur gloriæ aeternaliter cum electis. Per Christum Dominum nostrum. ¶. Amen.

Deinde aspergit eam aqua benedicta.

BENEDICTIO PLANETÆ SEU CASULÆ.

(Ex Cerem. Ord. S. P. Aug. Man. Ord. B. V. M. de Mercede, et Col. P. Sannig.)

¶. Adjutorium nostrum in nomine Domini.
¶. Qui fecit cœlum et terram.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Deus fons bonitatis et justitiae, qui tui operis ministros ad extremum vestimento Casulæ, cuius munimine interius omnia tegerentur, vestiri sanxisti, bene Xp̄ dic, quæsumus, et sancti Xp̄ifica Planetam istam, et concede propitiis petitionibus nostris, ut omnes hac casula induiti, enumeratis intus omnium virtutum ornamentis, vinculum perfectæ charitatis super omnia habeant, quo perficere quæ desiderant, te præstante, valeant. Per Christum Dominum nostrum. ¶. Amen.

Deinde aspergit illam aqua benedicta.

BENEDICTIO STRICTÆ SEU TUNICELLÆ.

(Ex Man. Brev. B. V. Mariæ de Mercede, et Col. P. Sannig).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum.
- R. Et cum spiritu tuo.

OREMUS.

Omnipotens sempiterne Deus, qui Moysi famulo tuo levitica indumenta, quæ ad cultum Sanctuarii pertinent, facere præcepisti: bene ✕ dic, quæsumus, hanc Strictam seu Tunicellam, ut Subdiaconatus ministeriis, quibus famuli tui decenter sunt ornati, et virtutum percipient incrementa, et vitiorum monstra devitantes, ad te, qui via, et veritas, et vita es, gratiosi valeant pervenire. Per Christum Dominum nostrum. R. Amen.

Deinde aspergit eam aqua benedicta.

BENEDICTIO DALMATICÆ.

(Ex Man. Brev. Ord. B. V. Mariæ de Mercede, et Col. P. Sannig).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum.
- R. Et cum spiritu tuo.

OREMUS.

Deus omnipotens, bonarum virtutum dator, et omnium benedictionum largus infusor, supplices te rogamus ac petimus, ut mentibus nostris opem tuæ benedictionis infundas, et hanc Dalmaticam digno cultui tuo præparatam virtuti Sancti Spiritus bene ✕ dicere, sancti ✕ sicare, et conse**████**crare digneris, et omnibus eam portantibus gratiam sanctificationis sacri ministerii tui benigne concede, ut in conspectu tuo sancti, et immaculati, atque irreprehensibiles appareant, et auxilium tuæ misericordiæ acquirant. Per Christum Dominum nostrum. R. Amen.

Deinde aspergit illam aqua benedicta.

BENEDICTIO PLUVIALIS.

(Ex Col. P. Sannig).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Domine Deus, Pater omnipotens, Rex, ac magnificus triumplator, qui per sanctos Patres nostros, qui tibi in sacerdotali Ordine placuerunt, diversi generis ornamenta et vestimenta sacerdotalia fieri, et in his ornari sacerdotes tibi servientes voluisti; exaudi propitius orationem nostram, et hanc Cappam seu pluviale,

dextera tua sancta bene ✕ dicere, sancti ✕ dicare, et conse ✕ crare digneris, quatenus hoc vestimentum Ministris, et Levitis, Sacerdotibus, ac Pontificibus tuis ad divinum cultum ordinandum, atque explendum proficiat, sanctisque Altaribus mundi et ornati, in ueste ministraturi, irreprehensibiles in actu, et dicto, interiorius, exteriusque appareant, et tibi soli Deo puro corde, et mundo corpore, omnibus diebus vitæ suæ irreprehensibiliter SS. Patrum exempla sequentes, servire valeant; iisque sacris ministeriis secundum tuam voluntatem, quando tibi placuerit, expletis, cœlestis regni gloriam, cum omnibus nobis, sibique commissis percipere mereantur. Per Christum Dominum nostrum.

R. Amen.

Deinde aspergit illud aqua benedicta.

BENEDICTIO MAPPARUM ET TOBALEARUM SEU LINTEAMINUM
SACRI ALTARIS.

(Ex Pontif. Rit. et Miss. Rom. et Col. P. Sannig.).

- ℣. Adjutorium nostrum in nomine Domini.
- R. Qui fecit cœlum et terram.
- ℣. Domine, exaudi orationem meam.
- R. Et clamor meus ad te veniat.
- ℣. Dominus vobiscum. R. Et cum spiritu tuo.

OREMUS.

Exaudi Domine preces nostras: et hæc linteamina sacri Altaris usui præparata bene ✕ dicere, et sancti ✕ dicare digneris. Per Christum Dominum nostrum. R. Amen.

OREMUS.

Domine Deus omnipotens, qui ornamenta et linteamina facere Moysen per quadraginta dies docuisti, quæ etiam Maria texuit et fecit in usum ministerii tabernaculi foederis: bene ✕ dicere, sancti ✕ dicare, et conse ✕ crare digneris haec linteamina ad tegendum involvendumque Altare gloriosissimi Filii tui Domini nostri Jesu-Christi, qui tecum vivit et regnat in unitate Spiritus Sancti Deus, per omnia sæcula sæculorum. R. Amen.

Deinde aspergit ea aqua benedicta.

BENEDICTIO CORPORALIUM ET PALLARUM.

(Ex Pont. Rit. et Miss. Rom. et Col. P. Sannig.).

- ℣. Adjutorium nostrum in nomine Domini.
- R. Qui fecit cœlum et terram.
- ℣. Domine, exaudi orationem meam.
- R. Et clamor meus ad te veniat.
- ℣. Dominus vobiscum. R. Et cum spiritu tuo.

OREMUS.

Clementissime Domine, cuius inenarrabilis est virtus, cuius mysteria arcanis mirabilibus celebrantur: tribue quæsumus, ut hoc linteamen tuæ propitiationis bene ✕ dictione sanctificetur, ad consecrandum super illud Corpus et Sanguinem Dei et Domini nostri Jesu-Christi Filii tui: qui tecum vivit et regnat in unitate Spiritus Sancti Deus per omnia sæcula sæculorum. R. Amen.